

կանք առնուլ զիւլամն 'ի Դատաւորէն , բայց նա յամառեալ 'ի բանս իւր ոչ զիջանէր 'ի խնդիր նոցա , թեւակից ունելով ինքեան զնախիպն : Բդեչխն և Յովհաննէս վարդապետ ստիպէին 'ի Դամասկոսէ առնուլ զայն գիր , զի հրովարտակն ուղղեալ էր միայն առ Դատաւորն , և այլազգիք 'ի մէջ մտեալ յորդորէին զԽորհրդականս չահել զմիտս Դատաւորին , զի եթէ 'ի ծախուց միոյ իլամի այսքան խորշիք տան , զի^ո դործէք յառնել պարտատեարց և բողոքել առ Դատաւորն , մանաւանդ զերծ մնայք 'ի տոկոսից մինչեւ ցամա 8 . իսկ եթէ ոչ անսայք բանից մերոց , գրեմք 'ի Դուռն և ծանուցանեմք թէ Հայք ոչ միայն չունին այդքան պարտոս , այլ նա և մթերեալ գանձս ոսկւոյ և արծաթոյ և ականց պատուականաց 'ի փակեալ Պատրիարքարանն . յայնժամ լինի յետինն չար քան զառաջինն : Ապա միջնորդութեամբ Դպրապետին հաճեցուցին զԴատաւորն՝ տալով նմա 27,500 դահեկան , և այլազգեաց 15,000 , թող զՔաղաքապետն և զնախիպն , և առին զիւլամն , և յետ այնմ՝ խորհրդով Դպրապետին գրեցին Հայք առ Դենպետն մեծ 'ի Կոստանդինուպօլիս , թէ չէր արժան Դատաւորին վասն միոյ թղթոյ առնուլ զայսքան դրամս յայսպիսի տարակուսելի նեղութեան մերում . զայսոսիկ գրեանս առաքեցին 'ի ձեռն միաբանի ուրուք 'ի Դամասկոս առ Յովհաննէս վարդապետ տանել 'ի Կոստանդինուպօլիս :

Գ Լ Ո Ւ Խ Խ Ը .

Ապստամբութիւն Գիւղականաց Բեթղէհէմի : Գարբիէլ պատրիարք առաքի 'ի Զմիւռն : Հրովարտակ վասն պարտուց : Պարտատեարք , նեղութիւն Խորհրդականաց , հատանիլ Պօղոս եպիսկոպոսի յերուսաղէմ : Այլազգիք քաղաքին : Սկիզբն վճարման պարտուց :

ՍՊՈՒՍԱԿԱԼՆ Դամասկոսի նախ քան զմեկնիլ իւր յերուսաղէմէ՝ սահմանեալ էր հարկս Բեթղէհէմ գիւղի 45 քսակս արծաթոյ , և և կոչեալ առ ինքն զՔաղաքապետն պատուիրեաց նմա առաջի գլխաւորաց վանօրէից , առնուլ